

24.06.2021 17:30



ՀՀ փաստաբանների պալատը 24.06.2021թ. կազմակերպել է խորհրդակցություն **Ադրբեջանում ընթացող դատավարություններում հայ ռազմագերիներին իրավաբանական օգնություն ցույց տալու արդյունավետության հարցի շուրջ:**

խորհրդակցությանը մասնակցել են ՀՀ փաստաբանների պալատի նախագահ **Արա Զոհրաբյանը**, նախագահի առաջին տեղակալ **Մանե Կարապետյանը**, նախագահի տեղակալ **Հարութ Ակլունցը**, փաստաբաններ **Հայկ Ալունյանը** և **Արա Ղազարյանը:**

խորհրդակցությանը ներկա են գտնվել Մարդու իրավունքների եվրոպական դատարանում Հայաստանի Հանրապետության ներկայացուցիչ **Եղիշե Կիրակոսյանը** և ներկայացուցչի տեղակալ **Լիպարիտ Դրմեյանը:** ՄԻԵԴ-ում ՀՀ ներկայացուցիչը փաստաբաններին ընդհանուր տեղեկություններ է տրամադրել հայ ռազմագերիների վերաբերյալ Մարդու իրավունքների եվրոպական դատարանում քննվող գործերի ընթացքի մասին:

Փաստաբանները քննարկել են Ադրբեջանում հայ ռազմագերիներին իրավաբանական օգնություն ցույց տալու, ինչպես նաև հնարավոր խախտումները բացահայտելու և հիմնավորելու անհրաժեշտության և արդյունավետության հարցը: Փաստաբանները մտահոգություն են հայտնել առ այն, որ Ադրբեջանը խոչընդոտելու է ՀՀ փաստաբանների կողմից հայ ռազմագերիներին իրավաբանական օգնության տրամադրմանը:

Քննարկման արդյունքում, Փաստաբանների պալատը որոշել է դիմել Հայաստանի Հանրապետության իրավասու մարմիններին, Ադրբեջանի իրավասու մարմիններին, Ադրբեջանի փաստաբանների միությանը, ինչպես նաև միջազգային այլ կառույցներին՝ *հայ ռազմագերիներին Հայաստանի Հանրապետության փաստաբանների միջոցով իրավաբանական օգնություն ցույց տալն ապահովելու, ՀՀ փաստաբանների մոտքը Ադրբեջան թույլատրելու և նրանց անվտանգությունը երաշխավորելու հարցերով:*

Վերոգրյալը հաշվի առնելով խնդրում ենք մինչև **2021թ. հունիսի 29-ը՝**

- Ադրբեջանում հայ ռազմագերիներին
իրավական օգնություն ցույց տալու
պատրաստակամություն ունեցող **քրեաիրավական
մասնագիտացման փաստաբաններին**`
info@advocates.am էլեկտրոնային փոստին գրություն
ուղարկելու միջոցով տեղեկացնել այդ մասին:

- **Հայ ռազմագերիների ընտանիքի
անդամներին**` Ադրբեջանում ՀՀ փաստաբանի
միջոցով ներկայացված լինելու ցանկության դեպքում
դիմել ՀՀ փաստաբանների պալատ:

Հարգանքով`

ՀՀ փաստաբանների պալատի

մամուլի խոսնակ` Տաթևիկ Բուջատյան

Վերադառնալ \$(window).load(function(){ if(typeof \$(".fb_comments_count").html() != "undefined" &&
parseInt(\$(".fb_comments_count").html()) != 0){ updateCommentsCount(window.location.href); } })